



NATIONAL SENIOR CERTIFICATE EXAMINATION
NOVEMBER 2021

**SISWATI LULWIMI LWASEKHAYA: LIPHEPHA II
SISWATI HOME LANGUAGE: PAPER II**

MARKING GUIDELINES

Sikhatsi: 3 Emahora

Emamaki: 100

These marking guidelines are prepared for use by examiners and sub-examiners, all of whom are required to attend a standardisation meeting to ensure that the guidelines are consistently interpreted and applied in the marking of candidates' scripts.

The IEB will not enter into any discussions or correspondence about any marking guidelines. It is acknowledged that there may be different views about some matters of emphasis or detail in the guidelines. It is also recognised that, without the benefit of attendance at a standardisation meeting, there may be different interpretations of the application of the marking guidelines.

SIGABA A TEMIBHALO

UMDLALO Tentile: S.M. Magagula

UMBUTO 1

1.1 Nankha emaphuzu langasetjentiswa nakuphendvulwa lombuto:

- Tentile unikwe litfuba lekuya esikolweni wadlala ngalo. Akatimiseli esikolweni lokwenta kutsi uyise agcine amkhipha ngobe uyafeyila.
- Batali bakhe bafuna kumendzisa kuSimelane. Yena ukhetsa kubaleka ekhaya aye kuyosebenta.
- Tentile utsandzana nebafana labatsatfu. Rosemary uyamecwayisa kutsi akayekele kutiphatsa kabi, kodvwa akalaleli.
- Tentile uvumela labafana labatsatfu kutsi bete endlini yakhe nobe nini nabafuna kuta. Mphikeleli uze ushiya timphahla takhe.
- Ngesikhatsi aselivini akayanga ekhaya kodvwa waya kuyohlala naVeli eMbabane, kantsi Rosemary abemcelile kutsi aye ekhaya ngobe abetfole ilivi lendze.
- Ubikela Veli, Mphikeleli naMzimela kutsi ukhulelwe kantsi uyati kutsi uyise wemntfwana nguVeli.
- Utsatsa imali yaMzimela, ngesikhatsi aya esibhedlela. Wetsembisa Mzimela kutsi utawuletsa loluswane uma aphuma esibhedlela. Loko kwenta kutsi Mzimela ahambe ayomfuna kuMatsapha kaKunene.
- Umikisa umntfwana kuMphikeleli abe ati kutsi umntfwana waVeli Ndwandwe. Abefuna kutsi bakaKunene bamphike lomntfwana.
- Ngenhlanhla lembi umntfwana wabangwa boMphikeleli naMzimela kuMatsapha. Kuleso sigameko, Veli wagcina ashonile.

Bafundzi bangengeta letinye tigameko letihambisana nembuto, kuloluhla lolungenhla. Badzinga emaphuzu lasihlanu kuphela.

NOBE

1.2 Nankha emaphuzu langatsintfwa nakuphendvulwa lombuto.

- Kubaleka kwaTentile ekhaya kubavisa buhlungu batali bakhe.
- Kungendzi kwaTentile kuyabakhatsata batali bakhe, ikakhulu ngobe bayativa tindzaba tekutsi bayambanga bafana. Batali bakhe besaba kutsi angahle onakalele ekhaya.
- Tentile akavakashi ekhaya uma sekasebenta ngoba wesaba kutsi uyise angahle amphoccelele kutsi aye kaSimelane. Batali bakhe abajabuli ngoba Tentile ungumntfwanabo lokuphela kwakhe.
- Kukhulelwa kwaTentile kwamvisa buhlungu Veli. Veli akanayo imali yekunakekela umntfwanabo ngoba ulungiselela imfundvo yakhe lephakeme. Batali baVeli bete imali nabo. Lokunye lokumvisa buhlungu kutsi Tentile abemetsembisile kutsi angeke kwenteke akhulelwe.
- Batali baTentile beva buhlungu kutsi Tentile ukhulelwe asesekhaya, angakendzi. Batali baTentile bakutsatsa njengelihlazo lelikhulu lokukhulelwa kwakhe. Batikhandza ngatsi behlulekile kukhulisa umntfwanabo ngendlela lengiyo.

- Kufa kwaVeli kuletsa lusizi lolukhulu emndenini wakaNdwandwe. Bebanelitsembe kutsi utawucedza kufundzela enyuvesi bese uyabuya uba lusito kubatali bakhe, anakekele naTumekile.
- Kufa kwaTentile kubanga lusizi kubakaNkhambule nabo lesebalahlekelwe litinyo labo lekubulala.
- Tumekile ubanga lusizi kubakaNkhambule nebakaNdwandwe ngobe sewuyintsandzane.

Bafundzi bangengeta kuloluhla lolungenhla ngaleminye imibono lehambelana nembuto.

INOVELI *Itawuphuma Ehlatsini: T.E. Mgabhi*

UMBUTO 2

Nankha emaphuzu langasetjentiswa nakuphendvulwa lombuto.

- Tholakele ubaleka ekhaya naMadzela. Uyise wamshaya waphose wambulala, waze wavuka esibhedlela.
- Tholakele unatsa tjwala, uze ubanjwa nebangani bakhe babuphetse tjwala esikolweni. Kwabitwa uyise kutsi ete esikolweni kute bothishela batewubonisana kutsi bangamsita kanjani.
- Tholakele uya ecasini angakatvivikeli. Ugcine akhulelwa. Madzela umkhutsa kutsi asikhiphe sisu ngobe esaba lihlazo lekubonwa kutsi utsandzana nemntwana lomncane. Wayekela sikolwa angakasicedzi ngenca yalokukhulelwa kwakhe.
- Tholakele wabaleka waya kunina Esiteki. Walimala ngesikhatsi alekelela unina.
- Lizinga lemsebenti waTholakele esikolweni sehle kakhulu. Sizatfu saloko kutsi uyanatsa aphindze ahambe emaphathi ebusuku, akanaso sikhatsi sekudadisha. Kwabitwa umtali wakhe esikolweni.
- Tholakele akabongi kuLaNhlabatsi lomnakekela ngaso sonkhe sikhatsi. Ukhuluma kabi ngaLaNhlabatsi kubangani bakhe. LaNhlabatsi wagcina abashiye esibhedlela neyise Tfwala.
- Tholakele wagcina atfole ligciwane le-HIV.

Bafundzi bangengeta leminyane imibono lehambisana nembuto.

NOBE

UMBUTO 3

Nankha emaphuzu langasetjentiswa nakuphendvulwa lombuto.

- Kungahloniphani emindenini – Madzela akahloniphi umkakhe. Indlela lamkhulumisa ngayo iyakhomba kutsi akamhloniphi.
- Batali babhekane nebulukhuni bekukhulisa bantfwana. Tfwala ukhatsatekile ngaTholakele.
- Kulwa kwalabo labatsetsene uma bangavumelani ngalokutsite. Ludlame lolwenteka embikwebantfwana. BoThring betfukana baphindze balwe embikwebantfwana.
- Kungetsembeki kwalabo labatsetsene lokubangela kutsi bagcine behlukene.
- Bulukhuni bekukhulisa umntfwana longamtali. Tholakele akamhloniphi LaNhlabatsi.
- Kungakhuteki kwebantfwana ngenca yekutsi sebangenele tindzaba telicansi. Madzela utsandzana naTholakele. Uyamlandza ekhaya nangemalanga esikolo.
- Lusha lulahlekelwa likusasa ngenca yetincumo letingakalungi. Batali bayakhatsateka ngalabantfwana njengobe bangumliba loya embili.
- Kutselelana tifo telikasi nekwandza kweligciwane lembulalave. Tfwala utselelwe nguMiranda ligciwane le-HIV naye watselela LaNhlabatsi.
- Kunganakekeleki kwebantfwana. LaMasuku akabanaki boHappy. Benta yonkhe imisebenti yasekhaya. Kute lobasitako ngemsebenti wabo wesikolwa.

Bafundzi bangengeta leminyane imibono lehambisana nembuto.

SIGABA B EMATHEKSTHI EMBHALOMBIKO

UMBUTO 4 INCWADZI YEBUNGANI

Incwadzi ayilandzele nati timiso:

- Ayibe nelikheli linye.
- Sibingelelo.
- Singeniso lesifanele.
- Emaphuzu lamcoka afakiwe.
- Tindzima tihlelwe ngendlela lefanele.
- Lulwimi lolusetjentiswako ngulolufanele.
- Siphetfo/kuvalelisa.

Bona irubhrikhi yekumaka incwadzi yebungani.

UMBUTO 5 I-AJENDA NEMAMINITHI EMHLANGANO

I-ajenda nemaminithi akavete loku lokulandzelako:

- Sakhiwo lesingiso.
- Labebakhona, labacolisile.
- Lokukhulunywe ngako.
- Lokuvunyelwene ngako.
- Lusuku lwemidlalo nemiklomelo.
- Lomenyiwe kulomcimbi.
- Kuphetsa lokufanele.

Bona irubhrikhi yekumaka i-ajenda nemaminithi.

SAMBA: 100 emamaki

SIGABA A IRUBHRIKI YEKUHLOLA INDZABAMBHALO – YENOVELI NEMDLALO**[30 EMAMAKI]****UMBUTO 1–3**

Timpawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFE	20–16	15–14	13–12	11–10	9–0
<p>Kuchazwa kwesihloko Kujula kwemibono Kwesekelwa nekuvisiswa kwetheksthi</p> <p>20 EMAMAKI</p>	<ul style="list-style-type: none"> Imphendvulo leneminingwane lengemalengiso lababatekako: 20–18. Imphendvulo leneminingwane lengemalengiso langababateki: 17–16. Sihloko sichazwe ngalokujulile. Luchungechunge lwemaphuzu lababatekako ekwesekela lacashunwe etheksthini. Luhlobo lwembhalo kanye netheksthi kuvisiswe ngemalengiso. 	<ul style="list-style-type: none"> Imphendvulo leneminingwane lesecophelweni lelisetulu. Sihloko sichazwe ngelicophelo lelisetulu kukhomba kusivisisa. Lamanye emaphuzu ekwesekela ayevakala kodvwa akakethulwa ngendlela lelindzelekile. Luhlobo lwembhalo kanye netheksthi kuvisiswa ngelicophelo lelisetulu. 	<ul style="list-style-type: none"> Sihloko sichazwe ngalokwenetisako kodvwa akusito tonkhe tihlangotsi leticikelele ngalokuphelele. Akhona lamanye emaphuzu lamahle lesekela sihloko ngalokwenetisako. Lamanye emaphuzu esekelwe kodvwa esikhatsini lesinyenti bufakazi abukholweki. Kukhona lokusilele ekuvisiseni luhlobo lwembhalo kanye netheksthi. 	<ul style="list-style-type: none"> Sihloko sichazwe ngekunyanalata ngaphandle kweminingwane lesekelako. Ambalwa kakhulu emaphuzu lafanele kwesekela sihloko. Kuncane kakhulu kuvisiswa kweluhlobo lwembhalo netheksthi. 	<ul style="list-style-type: none"> Kuncane kakhulu kuvisiswa kwesihloko. Mncane kakhulu umzamo wekuphendvula umbuto. Imibono ayikholweki. Luhlobo lwembhalo kanye netheksthi akukavisiswa nakancane.
SAKHIWO NELULWIMI	10–8	7–6	5–4	3–2	1–0
<p>Sakhiwo Kuhleleka nekwetfula Kusetjentiswa kwelulwimi, umoya, nesitayela</p> <p>10 EMAMAKI</p>	<ul style="list-style-type: none"> Sakhiwo lesibumbene Singeniso nesiphetfo lesingemalengiso. Imibono yakhiwe yahleleka ngemalengiso. Lulwimi, umoya nesitayela kuvutsiwe futsi akunamaphutsa. 	<ul style="list-style-type: none"> Sakhiwo lesicacile lesinemibono lehleleke ngelicophelo lelisetulu. Singeniso nesiphetfo kanye naletinye tindzima kuhleleke ngalokubumbene. Imibono ihleleke ngelicophelo lelisetulu. Kunemaphutsa lambalwa elulwimi, umoya nesitayela. 	<ul style="list-style-type: none"> Bukhona bufakazi lobutsi besakhiwo. Kuhleleka nekubumbana. Kuhleleka nekubumbana kwemibono kuyenetisa kodvwa kunemaphutsa. Lulwimi lunemaphutsa lambalwa; umoya nesitayela kuyenetisa. Kuhleleka kwetindzima kuyenetisa. 	<ul style="list-style-type: none"> Sakhiwo sikhomba emaphutsa ekuhlela. Imibono ayikahleleki ngalokubumbene. Lulwimi lunemaphutsa lamanyenti. Umoya nesitayela akwemukeleki. Kuhleleka kwetindzima kunemaphutsa. 	<ul style="list-style-type: none"> Kungahleleki kahle kwesakhiwo kukhinyabeta kubumbana kwemibono. Emaphutsa elulwimi nesitayela lesingakemukeleki kwenta lombhalo ungabi yimphumelelo. Umoya nesitayela akwemukeleki. Tindzima tihlangahlangene.
KWEHLUKA KWEMAMAKI	30–24	23–21	20–18	17–12	11–0

SIGABA B**IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWASEKHAYA****[20 EMAMAKI]****UMBUTO 4–5**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO	20–16	15–14	13–12	11–8	7–0
<p>Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timphawu/timiso, nesimongcondvo</p> <p>12 EMAMAKI</p>	<ul style="list-style-type: none"> • Imphendvulo lengemalengiso lababatekako. • Imibono ivutsiwe, inekuhlakanipha, lokukhombisa kucabanga lokujulile. • Lwati lolungemalengiso lwetimpawu teluhlobo lwetheksthi lebhawako. • Umbhalo ucondze ngco. • Lokucuketfwe kunemibono lebumbene ngemalengiso. • Yonkhe imininingwane icaciswe ngemalengiso kantsi futsi yesekela sihloko. • Sakhiwo lesifanele lesingemalengiso nalesingenamaphutsa. 	<ul style="list-style-type: none"> • Imphendvulo lesecophelweni lelisetulu. • Lwati lolusecophelweni lelisetulu lweluhlobo lwetheksthi lebhawako. • Umbhalo ucondze ngco – awutsemeleti. • Lokucuketfwe kunemibono lebumbene ngelicophelo lelisetulu. • Imininingwane yetfulwe ngelicophelo lelisetulu kantsi yonkhe yesekela sihloko. • Sakhiwo lesemukelekako lesinemaphutsa langasho lutfo. 	<ul style="list-style-type: none"> • Imphendvulo leyenetisako, lekhombisa lwati lweluhlobo lwetheksthi lebhawako. • Umbhalo awukacondzi ngco ngalokuphelele, unekutsemeleta lokutsite. • Emaphuzu alokucuketfwe abumbene ngalokwenetisako. • Leminye imininingwane iyasesekela sihloko. • Sakhiwo siyenetisa kodvwa sinemaphutsa latsite. 	<ul style="list-style-type: none"> • Imphendvulo lecatfutako lekhombisa lwati loluncane lweluhlobo lwetheksthi lebhawako. • Umbhalo unekutsemeleta lokunyenti. • Kubumbana kwemaphuzu alokucuketfwe kuncane kakhulu. • Imbalwa imininingwane leyesekela sihloko. • Imitsetfo netimiso letibalulekile tesakhiwo setheksthi atikalandzelwa ngalokufanele. • Kunyenti lokubalulekile lokusilele. 	<ul style="list-style-type: none"> • Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako. • Inshokutsi iyanhlanhlatsa, igcwele kutsemeleta lokunyenti. • Emaphuzu alokucuketfwe akakabumbani nakancane. • Imbalwa kakhulu imininingwane leyesekela sihloko. • Imitsetfo netimiso tesakhiwo setheksthi letibalulekile atikalandzelwa nakancane.

LULWIMI, SITAYELA NEKUHLUNGWA KWEMAPHUTSA	8	7–6	5–4	3–2	1–0
<p>Umoya, irejista, sitayela, inhloso, tetsamelilwati nesimongcondvo Timiso nekusetjentiswa kwelulwimi Kukhetseka kwemagama Timpawu tekufundza nekubhala nesipelingi</p> <p>08 EMAMAKI</p>	<ul style="list-style-type: none"> • Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo. • Luhlelo alunamaphutsa kantsi futsi icambeke kahle. • Esikhatsini lesinyenti akunamaphutsa. 	<ul style="list-style-type: none"> • Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu. • Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. • Silulumagama sisecophelweni lelisetulu. • Emaphutsa ambalwa kakhulu. 	<ul style="list-style-type: none"> • Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako. • Kunemaphutsa latsite eluhlelo. • Silulumagama lesenetisako. • Emaphutsa akayiphazamisi inshokutsi. 	<ul style="list-style-type: none"> • Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo. • Kunemaphutsa lamanyenti eluhlelo. • Silulumagama sincane kakhulu. • Inshokutsi iyaphazamiseka. 	<ul style="list-style-type: none"> • Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo. • Kugcwele emaphutsa lamanyenti ladidanako. • Silulumagama asihambisani nakancane nesihloko nenhloso. • Inshokutsi ihlangahlangene kakhulu.
KWEHLUKA KWEMAMAKI	16–20	14–15	12–13	8–11	0–7